

Tusi Paia Tamaiti meaalofa

Le Eseta Muamua



Tusia e: Edward Hughes

Fa'atusa e: Janie Forest
Alastair Paterson

Fetuuna'i e: Lyn Doerksen

Fa'aliliu e: www.christian-translation.com

gaosia e: Bible for Children
www.M1914.org

©2021 Bible for Children, Inc.

Laisene: E iai lau aia tatau e kopi pe lolomi ai lenei tala,
pe afai e te le fa'atau atu.

1

Sa tu le tamaitai i
luga o le mauga
pisapisao, o ona mata
faanoanoa e tilotilo i
luga i se vaauga
matautia. Ua oti
lana tama. O Maria
le tinā, ma sa tū o
ia i tafatafa o le
mea na tutu'i ai
Iesu i luga o
le satauro.



2

Na faapefea ona tupu nei mea uma? E mafai faapefea e Iesu ona faamutaina se olaga matagofie i se auala matautia? E mafai faapefea e le Atua ona tuiina i fao i se satauro e maliu ai iina? Pe na faia e Iesu se mea sese e uiga i le O ai o Ia? Pe na lē taulau le Atua?



3

Leai! E lei toilalo le Atua. E le'i faia e Iesu se mea sese. Sa silafia lava e Iesu o le a fasiotia o Ia e tagata amioleaga. E oo lava i le taimi a o pepe Iesu, na ta'u atu e se toaina e igoa iā Simeona iā Maria, o le a oo mai le faanoanoa.



4

I ni nai aso a o le'i fasiotia Iesu, na sau ai se fafine ma liligi le suāuu manogi i Ona vae. "Ua ia faamaimauina tupe," o le faitio lea o le au soo. "Ua ia faia se galuega lelei," o le tala lea a Iesu. "Na ia faia mo lo'u tanuga." O se upu uiga ese!



5

Ina ua mavae lenei mea, na ioe Iuta, o se tasi o soo e toasefululua o Iesu, e faalataina Iesu i le au ositaulaga sili mo tupe siliva e 30.



6

I le tausamiga o le Paseka a Iutaia, sa faia ai e Iesu Lana talisuaga mulimuli ma Ona soo. Na ia ta'u atu iā i latou mea ofoofogia e uiga i le Atua ma Ana folafolaga iā i latou e alolofa iā te Ia. Ona tuuina atu lea e Iesu o le areto ma le ipu latou te aai ai. Sa tatau ona faamanatu atu iā i latou o le tino ma le toto o Iesu na foa'i mai e faamagalo ai agasala.



7

Ona fetalai atu lea o Iesu i Ana uo o le a faalataina o Ia, ma o le a latou sosola. "Ou te le sola ese," na finau atu ai Peteru. "A o lei vivini le moa, e te faafiti faatolu mai ia te au," o le fetalaiaga lea a Iesu.




8

Mulimuli ane i lena po, na alu atu ai Iesu e tatalo i le Faatoaga o Ketesemane. Ua momoe le au soo sa faatasi ma Ia. "Lo'u Tama e," o le tatalo lea a Iesu, "... Ia ave ese lenei ipu ia te au, ae aua le faia lo'u loto, a o lou finagalo."



9

Na faafuasei lava ona savavali atu se motu o, na taitaia e Iuta. E le'i tetee Iesu, ae na tipi ese e Peteru le taliga o se tamāloa. Na pa'i filemu Iesu i le taliga o le tamāloa ma faamālōlō iā te ia. Na silafia e Iesu o Lona o se vaega o le finagalo o le Atua.



10

Na ave e tagata leaga Iesu i le fale o le faitaulaga sili. O i inā, na fai atu ai ta'ita'i Iutaia e tatau ona maliu Iesu. E latalata ane, sa tū ai Peteru i tafatafa o le afi a auuuna ma vaavaai atu. E faatolu ona sioa atu tagata ia Peteru ma faapea atu, "Sa e faatasi ma Iesu!" E faatolu ona faafiti Peteru, e pei ona fetalai Iesu o le a ia faafitia. Na oo lava ina fetuu ma palauvale Peteru.




11

O le taimi tonu lava lea, na vivini ai se moa. E pei o le siufofoga o le Atua ia Peteru. I le manatuaina o fetalaiga a Iesu, na tagi ai Peteru ma le tigā.




12

Sa faanoanoa foi Iuta. Sa ia iloa e le o tausalaina e Iesu se agasala po o se solitulafono. Na toe ave e Iuta tupe siliva e 30, ae e le'i talia e ositaulaga.




13

Na lafo i lalo e Iuta le tupe, ma alu i fafo - ma tautau o ia lava.




14

Na aumaia e ositaulaga Iesu i luma o Pilato, le kovana Roma. Ona fai atu lea o Pilato, "Ou te lei iloa lava se mea e sala ai lenei tagata." Ae sa alalaga pea le motu o tagata, "Faasatauro ia!"




15

Mulimuli ane, na talia e Pilato, ma faasalaina Iesu e maliu i luga o le satauro. Sa tu'i e fitafita Iesu, feanu i Ona fofoga, ma sasa o Ia. Sa latou faia se pale sua i laau talatala uumi ma oomi i luga o Lona ao. Ona latou tutu'i lea o Ia i se satauro laupapa e maliu ai.



16

Sa silafia lava e Iesu o le a Ia maliu faapena. Na Ia silafia fo'i o Lona maliu o le a faamagaloina ai tagata agasala o ē faatuatua iā te Ia. E toalua tagata solitulafono na faasatauroina i tafatafa o Iesu. Na talitonu le tasi ia Iesu-ma alu i Parataiso. E le'i faia e le isi.



17

Ina ua mavae itula o puapuaga, ona fetalai atu lea o Iesu, "Ua taunuu," ona maliu ai lea. Lana galuega ua maea. Sa tanumia o Ia e uo i se tuugamau patino.



18

Ona faamaufaailogaina lea e fitafita leoleoina le tuugamau. O lea e leai se tasi e mafai ona ulu i totonu - pe alu i fafo.



19

Ana faapea o le iuga lea o le tala, e matua faanoanoa lava. Ae na faia e le Atua se mea ofoofogia. E le'i tumau pea Iesu i le oti!



20

I le taeao po o le aso muamua o le vaiaso, na maua ai e nisi o soo o Iesu le maa ua fuli ese mai le tuugamau. Ina ua latou vaavaai atu i totonu, ua le toe i ai Iesu iina.



21

Sa nofo le tasi fafine, ma tagi i tafatafa o le tuugamau. Na faaali atu Iesu ia te ia! Sa ia toe faanatinati atu ma le fiafia e ta'u atu i isi soo. "UA OLA IESU! UA TOE MAI IESU MAI LE OTI!"



22

E lei umi ae maliu atu Iesu i le au soo, ma faaali atu ia i latou Ona lima ua ma'ila i fao. E moni lava. NA TOE OLA IESU! Sa Ia faamagalo atu ia Peteru mo le faafitia o Ia, ma sa Ia fetalai atu i Ona soo e ta'u atu i tagata uma e uiga ia te Ia. Ona Ia toe foi lea i le lagi i le mea na sau ai o Ia.

23

Le Eseta Muamua

O se tala mai le Afioga Atua, le Tusi Paia,
e maua i totonu

Mataio 26-28, Luka 22-24,
Ioane 13-21

"O le ulufale mai o au afioga e maua malamalama." Salamo 119:130

24

O le faaiuga

O lenei tala o le Tusi Paia ua ta'u mai ai e uiga i lo tatou Atuai tatou ma o le e finagalo ia e iloa o Ia.

Ua silafia e le Atua ua tatou faia mea leaga, lea ua Ia ta'ua o le agasala. O le faasalaga o le agasala o le oti, ae e alofa tele le Atua ia te oe ua Ia auina mai Lona Alo e toatasi, o Iesu, e maliu i luga o le mo au agasala. Ona toe soifua mai lea o Iesu ma afio i le aiga i le Lagi! Afai e te e faamagalo au agasala, o le a Ia faia! O le a afio mai o Ia ma nofo i totonu ia te oe i le taimi nei, ma o le a e mau faatasi ma Ia e faavavau.

Afai e te talitonu o le mea moni lenei, fai atu i le Atua: Iesu pele e, ua ou talitonu o Oe o le Atua, ma ua avea oe ma tagata e oti mo a'u agasala, ma ua e toe soifua mai nei. Fa'amolemole, sau i lo'u olaga ma fa'amag'u agasala, ina ia mafai ai ona ou maua le ola fou i le taimi nei, ma alu atu se aso e mafuta ma Oe e fa'avavau. Fesoasoani mai ina ia ou usita'i ia te Oe ma ola mo Oe o Lau tama. Amene.

Faitau le Tusi Paia ma talanoa ma le Atua i aso uma! Ioane 3:16

26

54



60

25